

## Tumel kye xjal oje chi ten anqayen tky'itz jun xjal tok tx'u'j yab'il COVID-19 ti'j

Aj qa oje tena anqayen tky'itz jun xjal tok tx'u'j yab'il coronavirus te ab'q'i 2019 ti'j (COVID-19), b'a'nqa matxe tena toj jun temb'il ja' tu'n toka tx'u'j yab'il COVID-19

Tu'n tkoleta ex tu'n kykolet txqantl xjal twutz tx'u'j yab'il, ajo DHEC ntzaj tq'uma'n tumel tqanil tu'n tkub' tena tjaya toj kab' k'al q'ij moqa jun xjaw tuk'el niky'jan

### Jni' amb'il ex q'ij tu'n tkyej tena tjaya

1. Tu'n tkyej tena tjaya toj kyaj laj q'ij a'kxtaq tky'a tky'etz xjal tok tx'u'j yab'il COVID-19 ti'j. Ajo lu' jun tb'anel tumel se'n tu'n mi'na tz'el lememin tx'u'j yab'il kyxol txqatil xjal. Ate' tumel se'n tu'n tok b'aja amb'il tu'n tkyej tena tjaya ajqa matxe kub' tb'inchana tumel tu'n tkoleta twutz yab'il, se'nku tu'n tka'yina ti'jxa qa mixti' yab'il matxe yek'in ex qa ma tz'ok tq'ona maqb'il ttziya aj ttena anqayin tky'atz xjal. Qaninxha tqanil toj jaxnaq'tzb'il moqa toj taq'una ex b'inchana tumel toj kyaqil amb'il aj tkyej tena tjaya.
  - Ajo amb'il te kab' k'al q'ij moqa jun xjaw tuk'el niky'jen tu'n tkyej tena tjaya ja'ku b'ant tu'n tok b'aj noq te lajaj q'ij tky'a tk'atz xjal tok tx'u'j yab'il COVID-19 ti'j ajqa mixti' yab'il xyek'in ti'ja.
  - Juntl tumel, ajo amb'il te jun xjaw tuk'el niky'jen tu'n tkyej tena tjaya ja'ku tz'ok b'aj noq te wuq q'ij tky'a tk'atz xjal tok tx'u'j yab'il COVID-19 ti'j, ajqa ajo yek'b'il mixti' yab'il ti'ja chi', aj tok toj jwe' q'ij aj tkyeja tjaya, qa mixti' tx'u'j yab'il COVID-19 ti'ja chi' ex qa mixti' otaq yek'in.
2. Ajqa junx nnajana toj ja tuk'el jun xjal tok tx'u'j yab'il COVID-19 ti'j, ajo amb'il tu'n tkyej tena tjaya tzmaxe kxe'l xkyeya aj tel laq'e xjal tok yab'il ti'j tky'itz(a)toj juntl ja te ktab'il ex jatz'alb'il moqa aj tpon tzqet laja q'ij amb'il tkub'len ten xjal toj ja
3. At jun tumel se'n tu'n m'ina kyej tena tjaya ajqa ma tziky'a toj kab'e tumel lu'.
  - Ajqa oje tz'ela toj tx'u'j yab'il COVID-19 kyoj oxe xjaw moqa ox k'al q'ij ex matxe tz'el we'ya toj tx'u'j yab'il, mya' il ti'j tu'n tkyej tena tjaya toj jun xjaw tuk'e niky'jen, tzmaxa qa mixti' yab'il xyek'in ti'ja
  - Qama tz'ex 2 ka'b'a smart mo nimx kab't jatzax taj tok ttz'aqsa'na jun kloj b'aq tz'aq tej tx'u'j yab'il te COVID-19, mi nti' tu' tkub'ay toj cuarentena jaq qa minti' kab't ak'aj techal tchyonal. Ilti'j k'elal ti'na cheyb'aj te 5 mo 7 q'ij ti'jxa tzuj qa ot kub'tena twitz jyab'il, tuyaxtzuj qa minti' qaj techal tchyonal ti'jay, ex ilti'j k'okal tq'o'na jun tey tpotzb'al ttzi uj tetzay chxol xjal toj 14 q'ij ti'jxa tzuj qa ot kub'tena twitz jyab'il mo ujxa tetz jtzaq'b'eb' tej cheyb'aj te mi nti' tok..

### Ajqa ma tna'nteya qa at yab'il ti'ja noq alkye amb'il se'nku kyaq, tzjo'l, kyixk'oj aj ttzaj tqula ex aj t-xewina moqa txqantl yab'il yek'b'il COVID-19:

- Laq'mel tib'a kyk'atz txqantl xjal.
- Jayoma yek'b'il yab'il te COVID-19.
- Jayoma onb'il kyuk'el ajq'anil, qa il ti'j.
  - Q'olb'entza tqanil na'mtaq ttzaja toj jaq'anmil moqa qa'nmil yab'il il ti'j ex q'umanxa tqanil aj qa otaq tz'ok tx'u'j yab'il COVID-19 jni'xjo yab'il ntq'o'n.

### B'inchana tumel aq'until lu' toj amb'il aj tkyej tena tjaya

1. Kux tkyeja tjaya ex mi'na tz'ok laq'eya kyk'atz txqantl xjal.
2. Mi'na txi'ya toj taq'una ex toj jaxnaq'tzb'il
  - Yolina ti'j ttena tuk'el tnejenela toj taq'una ex te jaxnaq'tzb'il na'mtaq tmeltz'aja.
  - DHEC mi'na ntzaj tq'o'n u'j ja' tku'xe tqanil tib'aj tx'u'j yab'il aj tmeltz'aja toj taq'una moqa jaxnaq'tzb'il. Ajo u'j te tumel tx'u'j yab'il COVID-19 kye jak'ayb'il ex jaxnaq'tzb'il ja'ku konet toj paqanil tzalu': [scdhec.gov/covid19](http://scdhec.gov/covid19).
3. Mi'na txi'ya kyoj xkotz toj b'e, mutz' xkotz ex tb'ella kyuk'el txqantl xjal
4. Ajqa mlay b'ant tu'n mi'na tz'ok laq'eya kyk'tz txqantl xjal, q'onka maqb'il ttziya ex mi'na tz'ok laq'ella wuq txol qamb'aj kyk'atz.
5. Q'imila yek'b'il tx'u'j yab'il COVID-19 ti'ja ex qa mixti' yab'il otaq yek'in ti'ja. Ajqa ajo yek'b'il aj tetz at tx'u'j yab'il COVID-19 mixti' tok ti'ja, il ti'j tu'n tkyej tena tjaya toj tkyaqil amb'il te jun xjaw tuk'el niky'jen. Ex il ti'j tu'n tel tiq'ina yek'b'il tx'u'j yab'il COVID-19 ti'ja ajqa at yab'il xyek'in ti'ja aj tkyej tena tjaya.
6. B'a'nx ka'yina yab'il ti'ja ex tx'ajomila kyaqil at tk'atza.
  - B'a'nx ka'yina qa at kyaq, tzjo'l, kyixk'oj aj t-xewina moqa txqantl yab'il yek'b'il tx'u'j yab'il COVID-19. Ajqa ma jaben kane jpet amb'il tu'n tkye tena tjaya kyoj wuq moqa lajaj q'ij, b'a'nx ka'yina qa at tqanil yab'il ti'ja aj tpon jpet niky'jen xjaw tky'len tk'atz jun xjal tok tx'u'j yab'il COVID-19 ti'j.
  - Maqsinka ttziya ex ttxa'na tuk'el jun su'tj te u'j moqa tuk'el tq'ob' tkamixa( mya' tuk'el tq'ob'a) aj ttzaj tqula ex asyo.
  - Tx'ajomila tq'ob'a chq'al tuk'el a' ex chpich toj jun nim paq amb'il ex tz'ajb'en q'anmel alcohol tu'na te tx'ajol tq'ob'a ajo tku'x 60 moqa 95% alcohol toj.